



Universitätsbibliothek Paderborn

**Trismegistus Doctrinæ Christianæ Tertio Continuatus,
Seu Brevis Expositio Sciendorum De Ultima Voluntate
Hominis Christiani In Spiritualibus, Atque Temporalibus,
Methodo Morali-Theologica concinnata, ...**

Mayr, Cherubinus

Salisburgi, [ca. 1735]

§. III. Armatura Fortium, Seu Actus Virtutum vel necessarii, vel utiles pro agone ultimo.

urn:nbn:de:hbz:466:1-42295

nis, præsertim ubi explicitè adjecta fuit voluntas servandi omnia mandata DEI, jam inclusa fuit confessio virtualis: imò confessio etiam formalis aderat, licet non materialiter integra, & specifica, cuius necessitatem homini, in principiis Lutheranis enutrato, tam citò persuadere, fuit moraliter impossibile: consequenter habebantur saltem essentialia Sacramenti.

§. III.

Armatura Fortium,
Seu Actus Virtutum vel necessarii,
vel utiles pro agone ultimo.

SCUTUM FIDEI.

Hujus affectus formam prolixiorem dedi in Trismegisto *Dist. 1, cap. 1. num. 38.* Quod si tempus non permittat, hunc substitue:

70 *O mi DEUS, credo te esse, qui es, unus, verus, in Personis trinus, sumemè justus, ¶ misericors DEus, Prima, ¶ infallibilis Veritas; propter quod credo etiam omnia, ¶ singula, quæ per Ecclesiam credenda proponis.*

GALEA SPEI.

Hujus quoque actus longior formula existat in eod. Trismeg. *dist. 2. cap. 3. n. 216.* Brevior potest esse hæc.

O DEUS meus, spero in tuam infinitam boni-71
tatem, & misericordiam, ab ea me consecuturum
gratiam in praesenti, & gloriam in futuro, per me-
rita & Passionem D.N.J.C. quia verbum tuum pe-
ribit nunquam.

PHARETRA CHARITATIS.

Formulam istius etiam exhibui in citat.
Trismegisto dist. 3. cap. 1. num. 261. cui, si
prolixa nimis, poterit haec substitui.

Amo te, O DEUS, quia infinitè amabilis, & 72
Summum Bonum es, paratus pro tuo amore dare
vitam & sanguinem. Amo etiam omnem prox-
imum meum propter te, sive amicus sit, sive inimi-
cus, & ex tui amore cordetenus remitto omnem
injuriam, & offensam, si qua mihi à quocunque
demum illata sit.

LORICA JUSTITIAE, SEU CONTRITIONIS.

O Quantum tibi debo, benignissime DEUS, qui 73
me ex nibili in imaginem & similitudinem
tuam creasti, tuo proprio sanguine redemisti, & tua
gratiā non semel, sed toties sanctificasti, ac omni
momento tuis gratiis cumulasti. Sed quid ego red-
didi pro his omnibus? Ab miserum me! nil nisi quo-
tidianas offensiones. Quocirca pœnitet me ex to-
to corde propter te, summum & infinitum Bonum
à me offensum. O Domine miserere mei, & re-
fuscsita me. Jam nolo amplius peccare. Interim
ego in satisfactionem meorum delictorum offero ti-
bi amarissimam Passionem, omnesque satisfactiones

E 5

Cbrī

Christi, Filii tui amantissimi, uti & Beatissimae Virginis, & omnium Sanctorum.

**SUCCINCTIO LUMBORUM PER DESIDERIUM
VIDENDI IDEUM, ET CALCEATIO PEDUM PER
CONTEMPTUM MUNDI.**

74 **O** Domine, quid à te volui super terram? Tu ultimus finis meus; alia omnia, quæ super terram sunt, nil nisi media, quibus bene & male uti possumus; & utinam nunquam usus fuissim male! Igitur quemadmodum desiderat cervus ad fontes aquarum, ita desiderat anima mea ad te DEUS. Veni ô unicum vitæ meæ desiderium! in Te uno satiabor, cùm apparuerit gloria tua. Heu me! quam sordet mihi terra, dum cælum aspicio!

GLADIUS SPIRITUS IN ORATIONE.

75 **D**omine, ad te levavi oculos meos, qui habitas in cœlis. Intret in conspectu tuo oratio mea; inclina aurem tuam ad precem meam. Quia repleta est malis anima mea, & vita mea inferno appropinquavit. Erue à framea DEUS animam meam, & de manu canis unicam meam. Salvum fac servum tuum, DEUS meus sperantem in te. Confundantur, & revereantur, qui querunt animam meam. Ego autem in Domino gaudabo, & exultabo in DÉO JESU meo.

Hæc est armatura, quam insinuat Div. Apostolus in verbis ad finem primi §. allegatis, quæ utique plurimum adhuc virtutum acti-

aetibus, uti Humilitatis, Patientiae, resignationis in Divinam voluntatem &c. augmentari potest; sed quia haec pagellae non omnes admittunt, eos relinquo spiritui zelosorum assistentium.

CAPUT III.

De mediis externis pervenendi ad eundem Finem ultimum.

§. I.

Expositio Doctrinæ Christianæ.

Punctum I. Quæ, & quot sunt media externa propinquiora, per quæ ad ultimum finem pervenitur?

RESOL. Sunt tria moribundorum sacramenta, scilicet Pœnitentiæ, Eucharistiæ, & Extremæ Unctionis, tales inter se ordinem habentia, ut primum spectet ad viam purgativam, utpote per se institutum ad purgandam animam à maculis peccatorum mortaliū. Alterum ad viam illuminativam, quia institutum ad nutrimentum animarum, consistens in gratia ad virtutes provocativa. Tertium, præ-

sup-